




۱۰ محرم سنه ۱۳۳۵

۱۱ شوال سنه ۱۳۳۷

{ منافع عامه به خادم جمعوه الاسلاميه در }

عمر نصوحی

نصایح قرآنیہ

م . حلمی

احادیث شریفہ ترجمہ سی

محمی الدین

نعت شریف

طاہر المولوی

جاهلیت دور نہ تھی علمبر و ارذی ؟

حافظ صبری

طشمرہ مکانیک حالہ سابق و لاحق

ہلی طیار رشتی

لڑہ لڑ ایچندہ ۱۱

فیضان (۵) فرہوشدر

محل ادارہ : فاتح - اعتصام

صورت و معناده فیض ظام و باطن سنک

داور دنیا و مافیها حبیب کبریا

ذره لر معنای مهر فانتکک صورتلری

انفس و آفاقه فربخشا حبیب کبریا

کجی هب غفلتله ایام حیاتم ، کلدی آه

عمر چله سالهم بکا رؤیا حبیب کبریا

جوش ایدر اشک ندامت کوزلرمدن کاه کاه

آه عصیانم بنم دریا حبیب کبریا

هیج اثر ایتزمی حاشا یأس ایله بر روسیاه

جان اوندن ایتسه وایلا حبیب کبریا

محتعل قیل لطفکده احیا ایت الله عشقه

بر قولکدر محیی شیدا حبیب کبریا

دارالشفقه ادبیات معلی : محیی الدین

جاهلیت دورنده نه کی هاملر واردی ؟

ما بعد : ۳

طریق : بقله قالی نوغندن ایدی که فالجی الله یدی طاش آلوب هریریشه بر
اسم ویردکن صکرا آووجنی قاپار و طاشلری صالاردی . بعده آووجنی آچوب
طاشلارک و غمندن بر طاقیم حکملر چیقاریدی . انواعی بک کثیر اولان
بو تطبراتدن نمونه اولق اوزره (ابو ذؤب الیهلی) نلک استخرجاتی شورابه
نقل ایدیورم :

مشارالیه : هم جاهلیت ، هم اسلامیتده یاشامش ، مسلمان اولدنی حالده نبی
اکرمی کورمه مش بر شاعر ایدی . علیه الصلاة والسلام اقدیمزک حسنه لغنی

ایشیدیکي کونک کيجه سنی پک صبغتیلی اولارق کچیرمش ، صبحاه قارشى بر آ ز
 دالمشکن دهشتله اویانوب سایه باقش ، ایلک نظرده (سعد ذابج) ییلدیزنخا کودیکي
 جهته بوندن صرب قومی حقنده ذبح وقوع بولاجقنى استدلالتش ، همان ده وه سغه
 بینوب مدینه به کیدرکن یولده بر کیرینک بریلانی یا قالا یوب قیوراندیره قیوراندیره
 ییوب بتیردیکنى کورونجهده - ارکک کیرنی دیمک اولان - (شهم) دن (شی مهم)
 معناسنى ، سیلانک قیورانماسندن خلیفه رسول اولاجق ذاته قارشى خلقک
 اطاعتدن انحرافنى ، کیرینک سیلان ییمه سندن اوزانک نهایت غلبه ایدمجهکي
 استخر ارج ابله مش ، مدینه به وصولنده ایسه رسول الله حضرتلرینک عالم جاله انتقائى
 خبر آلمشده .

ابن عبدره (عقد الفرید) نده دیورکه :

[یزید بن معاویه و مدینه والیى واید بن عتبیه بنی هزئل ایله یرینه صرو بن
 سمیدى کونده رمشده . عمرو و خطبه ایرادی ایچین منبره چینهجه بورنی قانادی
 جهاتندن بر اصحابی ؛ بوندن تشام ایدرک « اوف ! بزه قان کتیردی » دیدی .
 بورنی سیلانک ایچین والیه بر هممه ویردیلر . اصحابی ؛ بون کورونجه « قان
 همومیشده » دیدی .

صوگرا والی الله جانال باشلی بر عصا آلوب خطبه به باشلانجه ینه او اعرابی
 « ناس فرقه فرقه اولدی » دیدی] .

شو صاییلان شیارک اصلی اولدیقى و بونلرله بیهوده اندیشه به دوشولمکنده
 ایشیدیلان بر کلمه مبارکدن معنای خیر تفهم ایتک اولی بولوندیقى بی اکرم افندیز
 « لاطیره و خیرها انفال قالوا وصال قال قال الکلمة الصالحة یسموها احبکم » حدیث
 شریفله خبر ویردی . نته کیم ذات اقدس لری ده هر وقت تسأل ایدو ، فقط هیچ
 بر وقت تشام ایلمزده .

تغالات بیغیرینک اک مشهوری : اثنای هجرتده قارشیارینه چیقان (بریده
 بن الحصیب الاسلمی) ابله ملاقات صیره سنده و قوه کلشیدی که بریده نک اسمیه
 « اسلم » قبیله سنک (بی مهم) شعبه سندن اولدیقى اوکره تنجه حضرت ابوبکره

خطاباً « یردنا الاخر سلیمان خرج صمک » یعنی « ایشمن قولایلاشدی » سلامتیه
ایردک ، مقصودک حاصل اولدی « بیورمشدی » .

مناسبتن اسماری هلی وجه التبرک اسماء حسنیه تبدیل ایتکده معتاد رسالت
ایدی ، مثلاً (غازی) یی (راشده) ، (۱) ، (حزن) یی (سهل) ، « ، (عبدالعزی) یی
(عبدالله) « و ابوهریره نلک نام اصلیمی اولان (عبدالشمس) یی (عبدالرحمن) «
تبدیل ایلمشدی .

ینه جاهلیت علومندن بری ده (قیافت) ایدی که (قیافة الاثر) و (قیافة البشر)
دییه ایکی نوعه آیریلیوردی .

قیافة الاثر : طو براق و قوم اوزه رنده قالان ایزلردن صاحبک جهت سیرینی ،
حتی هویت و ماهیتی تعین ایلمک ، قیافة البشر ایسه ایکی شخصک اعضاسی
آراسنده کی مشاییدن نسلبرنلک بر اولوب اولادیغنه حکم ایتک ملکیسی ایدی .
بو خصوصده اختصاصی اولانلره (قائف) ، زیاده بهرهمی بولونانلره (أقوف)
ده نیلیردی . علیه الصلوة والسلام افندیجی : جناب ابوبکرله خاتمه بووردینی
صیراده ایزلرینی تعقیماً کلن بر قائف : مشرکین قریشی مضارده نلک مدخلی اوکنه
قدر کتیرمش و « آرادیکز » بورادن ایلری کیتمه دی « دیمشدی » .

قیافة البشر متخصصلرندن بری ده رسول الله حضرتلرینک حال صباوتنده مبارک

(۱) قاموس ترجمه سنده ده نیلیورکه ؟ غازی بن عبدالعزی نام کیمسه ، بنی سلیمه
مخصوص (شوع) نام صنمک خادمی ایدی . بر کون صنم مرسوم قربنده او طورورکن
سکیرده رک ایکی نیلیدی کلوب اول صنم اوزره صعود و آیاقلرینی قالدیروب اوزرینه بوله ایله دیار
غازی : بو حالی مشاهده ایله دکده بویه تکریمی اولور ؟ دیو

ارب بیول الثعلبان برأسه لقد ذل من بالثعلبه الشعاب

یهنی انشاد ایدوب یامعفر سلیم ! خدا حق اشبو صنم : ضرر وضع و منع و اعطایه قاده
وکلدر دیدی و صنمی شکست ایدوب درگاه حضرت رسوالله هجرت و بعدالتشرف عرض
شهادت ایلدی . حضرت رسول علیه السلام اسمندن پرسان اولدقدده غازی بن عبدالعزی
اولدیفنی اگاهه ایلمکله حضرت رسول الله استیجان ایدوب بلکه (راشدن عبد ویه) در
دیو بو یورمالیله من بعد راشد ایله نامدار اولمشدر .

آياقلىرى كوروب « مقام ابراهيمدهكى نقش قدمه بوچوجونك كېلردن داها مشابه
بر آياق كورمەدم » حكمنى ويرمشدى .

بخاراي شريفك كىتاب المواقبده مذكور وحضرت عائشەدن مەروى اولان
« دخل على قائف والنبي صلى الله عليه وسلم شاهد واسامة بن زيد وزيد بن حارثة
مضطجعين فقال ان هذه الاقدام بعضها من بعض قال فسر بذلك النبي صلى الله
عليه وسلم واعجبه » نقلنه كوره (محرم المجلدلى) اسمنده بر قائف ؛ بى اكرم
حضرتلى ده بولوندىن حالده حجره صديقه به كيرمش وباش طرفلى اورتولو اولاراق
ياتان « زيد بن حارثة » ايله اوغلى (اسامه) نك آياقلىرى كوروب اسامه نك كېلىرى
بالاراق « بونلر ، شونلر دندر » ديه حكيم اتمش و بو حكيم ؛ محظوظيت مەنبەيى
موحب اولمشدى . زيرا . مشركين قريشك زباندازلىرى ؛ اسامه نك فضلجه اسمر
و (افطس) يعنى ياصى بوزونلو بولونماسدن زيدك اوغلى اولمايدىنى سويلورلر .
والدهسى جنساب (ام ايمن) ه افترا ايدييورلردى . حال بوكه مشارالها ؛ حبشيه
اولايدىغدن اوغلك ده آز چوق كنديسنه بكنزه مەسى طيىبى بر شئ ايدى . عليه
الصلوۃ افديمز ؛ مشرطرى كندى اعتقادلرنجه الزام ايتك ايچين بر قائف كيتتمش
وزيد ايله اسامه نك باشلىرى اورتديروب آياقلىرى قائفه كوسترمشدى .

(موضوعات العلوم) مؤلفى طشاش كوپرلى زاده احمد افندى ديسوركه :
« بعض اكابر فقهاء ، بو علمك اصحابنه تصحيح انسابده تمويل واعتماد ايتكى راي
واجتهاد ايله مشدر . نيته كيم امام شافى ايتدى : اكر قول قائف تمويل اولونوب
حجت اولماسه حضرت رسالتيناه آنكله اظهار سرور وبهجت ايله منزل ايدى . اما
امام اعظم ابوحنيفه رضى الله تعالى عنه بويوردىلركه : حضرتك اظهار سرور ايتدىكى
مشركين لثام ؛ كندىلر زمينده حجت اولان لسنه ايله الزام اولوندقلىرى ايچون ايدى .
نه آنكه نفس الامرده قول قائف ، هجت قاطعه اولدىنى ايچون اوله » .

طاهر المولوى